



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

Anr.365/2021

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Burim Ademi kryesues, Zyhdi Haziri dhe Ferki Xhaferi anëtarë, me pjesëmarrjen e zyrtarit ligjor Kushtrim Zuka, duke vendosur përkitazi me ankesën e Drejtorisë së Inspekcionit të Komunës së Glllogocit, paraqitur kundër subjektit politik Lëvizja Vetëvendosje (LVV), për shkak të vendosjes së shiritave “fijonga” të kuqe në vende publike, për Zgjedhjet e Parakohshme për Kuvendin e Republikës së Kosovës, që do të mbahen më datë 14.02.2021, në seancën e panelit të mbajtur më datë 12.02.2021, mori këtë:

VE N D I M

Refuzohet e pabazuar ankesa Anr.365/2021 e datës 10.02.2021, e paraqitur nga me ankesën e Drejtorisë së Inspekcionit të Komunës së Glllogocit, me të cilën ka kërkuar që subjektit politik Lëvizja Vetëvendosje (LVV), t’i shqiptohet gjobë për shkeljen e Kodit të Mirësjelljes për Subjektet Politike, Mbështetësit e tyre dhe Kandidatët, me rastin e vendosjes së vendosjes së shiritave “fijonga” të kuqe në vende publike.

A r s y e t i m

Drejtoria e Inspekcionit të Komunës së Glllogocit, ka parashtruar ankesën A.nr.365/2021, me datë 10.02.2021, në PZAP, më të cilën pretendon se nga Inspektorët Komunal me datë 08.02.2021, është bërë inspektimi dhe evidentimi i shiritave të kuq “fijonga” në rrugët publike “Shaban Shala” dhe “Bedri Shala” në Glllogoc, të vendosur nga subjekti politik Lëvizja Vetëvendosje (LVV). Me këtë paraqitësi i ankesës ka pretenduar se ky veprim i subjektit politik Lëvizja Vetëvendosje (LVV), është në kundërshtim me dispozitat e Ligjit për Zgjedhjet e Përgjithshme në Kosovë, respektivisht nenin 33, pika b), të këtij ligji. Paraqitësi i ankesës në mbështetje të pretendimeve në ankesë, si dëshmi ka bashkangjitur disa fotografi të printuara.

PZAP-i, më datë 10.02.2021, konform nenit 7, par.1, të Rregullave dhe Procedurave të PZAP-it, njoftoi subjektin politik Lëvizja Vetëvendosje (LVV), për ankesën e paraqitur, duke i dhënë kohë për përgjigje deri më datë 11.02.2021 në ora 10:00.

Në përgjigjen në ankesë të datës 11.02.2021, subjekti politik Lëvizja Vetëvendosje (LVV) thekson se parashtruesi i ankesës pretendon se ka parë me datë 08.02.2021, shirita të kuq “fijonga” në dy rrugët përkatëse sipas ankesës. Ndërsa ankesën, siç shihet e ka dorëzuar me

datë 10.02.2021. Pra, ankesa është dorëzuar jashtë afatit të përcaktuar me rregullën e PZAP-së 02/2015, konkretisht me nenin, 5 par.5, pika 5. Parashtruesi pretendon se shiritat e kuq ose fjongot janë vendosur në rrugët përkatëse të përcaktuara sipas ankesës nga subjekti politik Lëvizja Vetëvendosje në kundërshtim me nenin 33, pika b) të LZP-së. Mëtej thekson se Lëvizja Vetëvendosje, konkretisht shtabet përkatëse të saj, nuk kanë dhënë asnjë direktivë që ato fjongat të vendosen në rrugët përkatëse. Pra, ato shirita apo fjongat të kuq nuk kanë asgjë të bëjnë me Lëvizjen Vetëvendosje, dhe as nuk i ka vendosur asnjë aktivist i saj. Siç dihet botërisht LVV, ka sloganin e saj për këto zgjedhje “Krejt dhe Drejt”, ka llogon e saj zyrtare të cilat në asnjë rrethanë nuk identifikohen me shiritat e kuq. Duke marrë parasysh të cekurat më lart i propozojnë Panelit që ankesën ta refuzoj si të pabazuar.

PZAP-i, pasi që shqyrtoj ankesën vlerësoi se:

Ankesa është e pabazuar,

Nga shkresat e lëndës vërtetohet se Komuna e Glllogocit, Drejtoria e Inspektionit, ka parashtruar ankesë në PZAP A.nr.365/2021 më datë 10.02.2021, me të cilën pretendon se subjekti politik Lëvizja Vetëvendosje (LVV), ka vendosur shirita të kuq “fjonga” në rrugët publike të Komunës së Glllogocit.

Pas pranimit të ankesës në PZAP, e njëjta i është dërguar subjektit politik Lëvizja Vetëvendosje (LVV) për përgjigje në ankesë.

Subjekti politik Lëvizja Vetëvendosje (LVV) me datë 11.02.2021, ka paraqitur përgjigje në ankesë, duke i kundërshtuar në tersi pretendimet e ankuesit të parashtruara në ankesë dhe duke kërkuar që ankesa të refuzohet e pa bazuar, së pari për shkak se ankesa është e pasafatshme dhe se ato shirita apo fjongat të kuq nuk kanë asgjë të bëjnë me Lëvizjen Vetëvendosje dhe as nuk i ka vendosur asnjë aktivist i saj.

Duke u nisur nga arsyet e theksuara me lartë, Paneli konstatoi se nga ana e subjektit politik Lëvizja Vetëvendosje (LVV) nuk është bërë shkelje e nenit 33, pika b) të LZP-së, ku thuhet se *“vendosja e njoftimeve, pllakateve dhe posterëve, ose përndryshe, vendosja e emrave të tyre ose e sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugët publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe, që shfrytëzohen nga organizatat ndërkombëtare, ose brenda ose në hapësirat private pa lejen e pronarëve ose shfrytëzuesve”*.

Paneli erdhi në përfundim se janë të paqëndrueshme pretendimet e paraqitësit të ankesës se këto veprime përbëjnë shkelje të Kodit të Mirësjelljes nga subjekti politik Lëvizja Vetëvendosje (LVV), për shkak se nga fotot e ofruara si dëshmi në ankesë nuk është vërtetuar se të njëjtat janë vendosur nga Lëvizja Vetëvendosje dhe në asnjë nga shiritat e kuq “fjonga”, nuk mund të identifikohet ndonjë shenjë që e identifikojnë subjektin politik LVV apo ndonjë subjekt tjetër. Për më tepër, vendosja e këtyre shiritave në hapësira publike përderisa nuk identifikohet më ndonjë shenjë të ndonjë subjekti politik gjatë fushatës zgjedhore, vlerësohet nga Paneli, se nuk ka të bëjë me ndalesat që janë përcaktuar me nenin neni 33, pika b) i LZP-së, nga se kusht për tu konsideruara material propagandistik duhet qe materiali i tillë te jete i

identifikueshëm me ndonjë subjekt qe është pjese e garës zgjedhore. Nëse ankuesi edhe mëtej pretendon në shkeljet e paraqitur në ankesë mund të inicioi procedurë në ndonjë institucion tjetër kompetent.

Nga arsyet e theksuar më lartë, e duke u bazuar në nenin 118 par.1 të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtrësia
Anr.365/2021 më datën 12.02.2021

Kryesuesi i Panelit

Burim Ademi



Këshilla Juridike: Kundër këtij vendimi nuk është e lejuar ankesa sipas nenit 118 par. 4 të LZP-së.